

# ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

23.11.2016թ.

## Ո Ր Ո Շ ՈՒ Մ

### ՀՀ գնումների բողոքարկման խորհրդի

ՍՑ-64/16

ՀՀ գնումների բողոքարկման խորհրդի (այսուհետ նաև՝ Խորհուրդ) բողոքը քննող հանձնաժողովը՝ գործելով Խորհրդի անունից և ուսումնասիրելով ՀՀ ֆինանսների նախարարության 11.03.2016թ. թիվ 1/73-3/8963-16 և 16.03.2016թ. թիվ 1/73-3/9885-16 գրություններով ներկայացված «Դատի-Գրուպ» ՍՊԸ-ին (ՀՎՀՀ 01565045) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքը (այսուհետ նաև՝ ՍՑ-ԳԲԽ-64/16 բողոք), կից ներկայացված փաստաթղթերի պատճենները, ինչպես նաև ուսումնասիրելով ՍՑ-ԳԲԽ-64/16 բողոքի վերաբերյալ «Գնումների աջակցման կենտրոն» ՊՈԱԿ-ի 21.11.2016թ. ներկայացրած եզրակացությունը պարզեց.

#### **1. ՀՀ ֆինանսների նախարարության ներկայացրած փաստերը և պահանջը**

ՀՀ ֆինանսների նախարարությունը, «Հայրենիք-Սփյուռք կենտրոն» ՊՈԱԿ-ի (այսուհետ նաև՝ Պատվիրատու) 02.03.2016թ. թիվ ՀՍ 14/16 և 04.03.2016թ. թիվ ՀՍ 17/16 գրությունների հիման վրա, 11.03.2016թ. թիվ 1/73-3/8963-16 և 16.03.2016թ. թիվ 1/73-3/9885-16 գրություններով դիմել է «Գնումների աջակցման կենտրոն» ՊՈԱԿ-ին (այսուհետ՝ Կենտրոն)՝ խնդրելով ուսումնասիրել «Դատի-Գրուպ» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ Ընկերությանը Ցուցակում ներառելու համար:

Նույն գրությամբ ՀՀ ֆինանսների նախարարությունը Կենտրոնին է ներկայացրել «Հայրենիք-Սփյուռք կենտրոն» ՊՈԱԿ-ի վերը նշված գրությունները՝ կից ներկայացված փաստաթղթերի պատճեններով:

## 2. «Դատի Գրուպ» ՍՊԸ -ի ներկայացրած փաստարկները և դիրքորոշումը

«Գնումների աջակցման կենտրոն» ՊՈԱԿ-ը կարծիք ստանալու նպատակով 14.03.2016թ. թիվ 01/04.1/1017-16 և 23.03.2016թ. թիվ 01/04.1/1123-16 գրություններով դիմել է «Դատի Գրուպ» ՍՊԸ-ին, սակայն պատասխան չի ստացվել:

## 3. «Հայրենիք-Սփյուռք կենտրոն» ՊՈԱԿ-ի ներկայացրած փաստարկները և դիրքորոշումը

«Հայրենիք-Սփյուռք կենտրոն» ՊՈԱԿ-ը 02.03.2016թ. թիվ ՀՍ 14/16 և 04.03.2016թ. թիվ ՀՍ 17/16 գրություններով ներկայացրել է «ՀՍԿ-ՊԸԾՁԲ-16/01» և «ՀՍԿ-ՊԸԾՁԲ-16/03» ծածկագրերով պարզեցված ընթացակարգերի վերաբերյալ բոլոր անհրաժեշտ փաստաթղթերի պատճենները, որոնց ուսումնասիրության արդյունքում պարզվել է, որ համաձայն ՀՀ ֆինանսների նախարարության կողմից տրամադրված համապատասխան եզրակացությունների՝ «Դատի Գրուպ» ՍՊԸ-ն **2016թ. փետրվարի 22-ի դրությամբ (հայրը ներկայացնելու օրվա դրությամբ)** Հայաստանի Հանրապետության պետական բյուջեի նկատմամբ ունեցել է ժամկետանց հարկային պարտավորություններ համապատասխանաբար՝ **391.614 ՀՀ դրամի** չափով:

## 4. ՍՑ-ԳԲԽ-64/16 բողոքի վերաբերյալ «Գնումների աջակցման կենտրոն» ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 21.11.2016թ. եզրակացությունը և առաջարկել է ՀՀ ֆինանսների նախարարության 11.03.2016թ. թիվ 1/73-3/8963-16 և 16.03.2016թ. թիվ 1/73-3/9885-16 գրություններով ներկայացված «Դատի-Գրուպ» ՍՊԸ-ին (ՀՎՀՀ 01565045) ներառել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման խորհրդի որոշումը կայացվելու օրվանից հաշված 6 ամիս ժամկետով:

**5. ՍՑ-ԳԲԽ-64/16 պաշտոնական ընթացակարգով նախաձեռնված բողոքի քննության համար էական նշանակություն ունեցող փաստերը**

ՀՀ ֆինանսների նախարարության 11.03.2016թ. թիվ 1/73-3/8963-16 գրությամբ ներկայացված «Դատի-Գրուպ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

**1. «Հայրենիք-Սփյուռք կենտրոն» ՊՈԱԿ-ի կողմից «Սփյուռքային կառույցների և նշանավոր անհատների ծրագրերի իրականացում» ծրագրով նախատեսված ծառայության ձեռքբերման նպատակով կազմակերպվել է «ՀՍԿ-ՊԸԾՁԲ-16/01» ծածկագրով պարզեցված ընթացակարգ (այսուհետ նաև՝ Ընթացակարգ 1):**

• Ընթացակարգ 1-ին մասնակցելու նպատակով 22.02.2016թ. հայտ է ներկայացրել «Դատի-Գրուպ» ՍՊԸ-ն:

• Ընթացակարգ 1-ին մասնակցելու նպատակով «Դատի-Գրուպ» ՍՊԸ-ն 22.02.2016թ. ներկայացրած հայտի N 2 հավելվածով՝ հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ հայտնել և հավաստել է, որ հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:

• Ընթացակարգ 1-ի գնահատող հանձնաժողովը 22.02.2016թ. ժամը 13:20-ին տեղի ունեցած նիստի թիվ 2 արձանագրության 3-րդ կետով որոշել է ներկայացված հայտի հիման վրա Ընթացակարգ 1-ի թվով 1-8 չափաբաժիններով որպես 1-ին տեղ զբաղեցրած մասնակից ճանաչել «Դատի-Գրուպ» ՍՊԸ-ին:

• Պատվիրատուն, ՀՀ կառավարության 10.02.2011թ. թիվ 168-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 47-րդ կետի 1-ին ենթակետի համաձայն, տվյալների ճշտման մասին կատարած հարցմամբ խնդրել է Նախարարությանը տրամադրել տեղեկատվություն «Դատի-Գրուպ» ՍՊԸ-ի վերաբերյալ:

• Ի պատասխան վերոհիշյալ հարցմանը՝ ՀՀ ֆինանսների նախարարության կողմից տրամադրվել է եզրակացություն, համաձայն որի՝ «Դատի-Գրուպ» ՍՊԸ-ն **2016թ.**

**փեպրվարի 22-ի դրությամբ (հայտը ներկայացնելու օրվա դրությամբ)** Հայաստանի Հանրապետության պետական բյուջեի նկատմամբ ունեցել է ժամկետանց հարկային պարտավորություն՝ **391.614 ՀՀ դրամի** չափով:

- Ընթացակարգ 1-ի գնահատող հանձնաժողովի կողմից 29.02.2016թ. տեղի ունեցած նիստի թիվ 3 արձանագրության 1-ին կետով որոշում է կայացվել Կարգի 48-րդ կետի 1-ին ենթակետի համաձայն՝ «Դատի-Գրուպ» ՍՊԸ-ի հայտը մերժել, քանի որ վերջինս հայտը ներկայացնելու պահի դրությամբ ունի ժամկետանց հարկային պարտավորություններ:

**2. «Հայրենիք-Սփյուռք կենտրոն» ՊՈԱԿ-ի կողմից «Սփյուռք» ամառային դպրոց» ծրագրով նախատեսված ծառայության ձեռքբերման նպատակով կազմակերպվել է «ՀՍԿ-ՊԸԾՁԲ-16/03» ծածկագրով պարզեցված ընթացակարգ (այսուհետ նաև՝ Ընթացակարգ 2):**

- Ընթացակարգ 2-ին մասնակցելու նպատակով 22.02.2016թ. հայտ է ներկայացրել «Դատի-Գրուպ» ՍՊԸ-ն:

- Ընթացակարգ 2-ին մասնակցելու նպատակով «Դատի-Գրուպ» ՍՊԸ-ն 22.02.2016թ. ներկայացրած հայտի N 2 հավելվածով՝ հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ հայտնել և հավաստել է, որ հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:

- Ընթացակարգ 2-ի գնահատող հանձնաժողովը 24.02.2016թ. ժամը 13:20-ին տեղի ունեցած նիստի թիվ 2 արձանագրության 3-րդ կետով որոշել է ներկայացված հայտի հիման վրա Ընթացակարգ 2-ի 1-ին չափաբաժնով որպես 1-ին տեղ, իսկ 2-րդ, 3-րդ, 4-րդ և 5-րդ չափաբաժինների մասով որպես 2-րդ տեղ զբաղեցրած մասնակից ճանաչել «Դատի-Գրուպ» ՍՊԸ-ին:

- Պատվիրատուն, ՀՀ կառավարության 10.02.2011թ. թիվ 168-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 47-րդ կետի 1-ին ենթակետի համաձայն, տվյալների ճշտման մասին կատարած հարցմամբ խնդրել է Նախարարությանը տրամադրել տեղեկատվություն «Դատի-Գրուպ» ՍՊԸ-ի վերաբերյալ:

- Ի պատասխան վերոհիշյալ հարցմանը՝ ՀՀ ֆինանսների նախարարության կողմից տրամադրվել է եզրակացություն, համաձայն որի «Դատի-Գրուպ» ՍՊԸ-ն **2016թ.**

*փերրվարի 22-ի դրությամբ (հայտը ներկայացնելու օրվա դրությամբ)* Հայաստանի Հանրապետության պետական բյուջեի նկատմամբ ունեցել է ժամկետանց հարկային պարտավորություն՝ **391.614 ՀՀ դրամի** չափով:

• Ընթացակարգ 2-ի գնահատող հանձնաժողովի կողմից 02.03.2016թ. ժամը 13:20-ին տեղի ունեցած նիստի թիվ 3 արձանագրության 1-ին կետով որոշում է կայացվել Կարգի 48-րդ կետի 1-ին ենթակետի համաձայն՝ «Դատի-Գրուպ» ՍՊԸ-ի հայտը մերժել, քանի որ վերջինս հայտը ներկայացնելու պահի դրությամբ ունի ժամկետանց հարկային պարտավորություններ:

### **6. Խորհրդի հիմնավորումները և եզրահանգումը**

Քննելով ՍՑ-ԳԲԽ-64/16 բողոքը, Խորհուրդը գտնում է, որ այն ենթակա է բավարարման հետևյալ հիմնավորմամբ.

«Գնումների մասին» ՀՀ օրենքի (այսուհետ նաև՝ Օրենք) 5-րդ հոդվածի 1-ին մասի 2-րդ կետի համաձայն՝ ***գնումների ընթացակարգերին մասնակցելու իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:***

Նույն հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում գնման գործընթացի շրջանակում ***ներկայացրել է կեղծ տվյալ:***

Օրենքի 48-րդ հոդվածի 6-րդ մասի 7-րդ կետի համաձայն՝ ՀՀ գնումների բողոքարկման խորհուրդն իրավունք ունի որոշում կայացնելու մասնակցին գնումների գործընթացին մասնակցության իրավունք չունեցող մասնակիցների ցուցակում ներառելու համար:

Կարգի 35-րդ կետի 1-ին ենթակետի «բ» պարբերության համաձայն՝ մասնակիցը հայտով ներկայացնում է՝ իր կողմից հաստատված հայտարարություն՝ օրենքով նախատեսված մասնակցության իրավունքի և իրավերով սահմանված որակավորման չափանիշներին իր համապատասխանության մասին:

Կարգի 47-րդ կետի 1-ին ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով Հայաստանի Հանրապետության ֆինանսների նախարարություն հարցում է ներկայացնում առաջին և հաջորդաբար տեղ զբաղեցրած մասնակիցների՝ Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ

ժամկետանց հարկային պարտավորությունների, ինչպես նաև նույն կարգի 67-րդ կետով նախատեսված որակավորման պահանջի առկայության վերաբերյալ՝ ներկայացնելով հարկ վճարողի հաշվառման համարը:

Կարգի 48-րդ կետի համաձայն՝ եթե Կարգի 47-րդ կետի 1-ին ենթակետով նախատեսված հարցմանն ի պատասխան տրամադրված եզրակացության արդյունքում մասնակցի ներկայացրած հայտարարությունները որակվում են իրականությանը չհամապատասխանող, ապա՝

1) հայտերի գնահատման արդյունքների հրապարակման նիստում հանձնաժողովի որոշմամբ տվյալ մասնակցի հայտը մերժվում է, և

2) այդ մասնակցի տվյալները գնման գործընթացին մասնակցելու իրավունք չունեցող մասնակիցների ցուցակում ներառելու գործընթաց նախաձեռնելու նպատակով ի հայտ եկած հանգամանքների մասին տեղեկությունները պատվիրատուի կողմից ուղարկվում են Հայաստանի Հանրապետության ֆինանսների նախարարություն՝ դրանց ի հայտ գալու օրվան հաջորդող երեք աշխատանքային օրվա ընթացքում:

Կարգի 125-րդ կետի 1-ին ենթակետի համաձայն՝ Օրենքի 5-րդ հոդվածի 2-րդ մասով նախատեսված՝ գնումների բողոքարկման խորհրդի ընդունած որոշման հիման վրա մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է՝ **6 ամիս ժամկետով**, եթե ավելի քան մեկ անգամ խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որի հետևանքով տուժանքի, հաշվարկված վնասի, տույժի կամ տուգանքի չափը չի գերազանցում գնումների բազային միավորը և մինչև բողոքարկման խորհրդի կողմից համապատասխան որոշում ընդունվելը՝ պատճառված վնասը, հաշվարկված տույժը կամ տուժանքը վերականգնվել է կամ, եթե **Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ունեցել է ժամկետանց հարկային պարտավորություններ** կամ որակավորման չափանիշների, իսկ ապրանքների գնման դեպքում՝ նաև տեխնիկական բնութագրերի գնահատման արդյունքում այդ որակավորման չափանիշները կամ տեխնիկական բնութագրերը որակվել են որպես մասնակցի կողմից ներկայացված հայտարարություններին չհամապատասխանող:

Այսպիսով, «Հայրենիք-Սփյուռք կենտրոն» ՊՈԱԿ-ի կողմից «Սփյուռքային կառույցների և նշանավոր անհատների ծրագրերի իրականացում» ծրագրով

նախատեսված և «Սփյուռք» ամառային դպրոց» ծրագրով նախատեսված ծառայությունների ձեռքբերման նպատակով կազմակերպվել են համապատասխանաբար՝ «ՀՍԿ-ՊԸԾԶԲ-16/01» և «ՀՍԿ-ՊԸԾԶԲ-16/03» ծածկագրերով պարզեցված ընթացակարգեր:

Ընկերությունը **հայտերի N 2 հավելվածներով** Ընթացակարգ 1-ին և Ընթացակարգ 2-ին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարություններով, հայտնել և հավաստել է, որ հայտերը ներկայացնելու օրվա դրությամբ (22.02.2016թ.) չունի ժամկետանց հարկային պարտավորություններ Հայաստանի Հանրապետության հարկային և պարտադիր սոցիալական ապահովության վճարների գծով:

Պատվիրատուն, Կարգի 47-րդ կետի 1-ին ենթակետի համաձայն, տվյալների ճշտման մասին կատարած հարցմամբ խնդրել է Նախարարությանը տրամադրել տեղեկատվություն «Դատի-Գրուպ» ՍՊԸ-ի վերաբերյալ, ի պատասխան որի՝ ՀՀ ֆինանսների նախարարության կողմից Պատվիրատուին տրամադրվել է եզրակացություն, համաձայն որի Ընկերությունը **2016թ. փետրվարի 22-ի դրությամբ (հայտերը ներկայացնելու օրվա դրությամբ) ունեցել է ժամկետանց հարկային պարտավորություն՝ 391.614 ՀՀ դրամի չափով:**

Մինչդեռ, Ընկերությունն Ընթացակարգ 1-ին և Ընթացակարգ 2-ին մասնակցելու նպատակով համապատասխանաբար՝ 22.02.2016թ. ներկայացնելով հայտերի **N 2 հավելվածները՝** փաստորեն հայտնել և հավաստել է, որ իրավունք ունի մասնակցելու գնումների վերը նշված ընթացակարգերին, ինչը հայտերը ներկայացնելու օրերի դրությամբ ՀՀ պետական բյուջեի նկատմամբ ժամկետանց հարկային պարտավորություններ ունենալու պայմաններում Ընկերության կողմից հանդիսանում է Օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե **հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:**

Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար **պարտադիր և միաժամանակյա առկա հիմքերն են՝**

• նույն կետի «բ» ենթակետով նախատեսված և մասնակցին վերագրվող խախտման առկայությունը,

• խախտումը թույլ տալու պահից մեկ տարվա ընթացքում մասնակցի կողմից մրցակցային գործընթացին մասնակցելու համար հայտ ներկայացրած լինելու հանգամանքը:

Հետևաբար, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում «Դատի-Գրուպ» ՍՊԸ-ին ներառելու համար անհրաժեշտ է, որ նույն կետով սահմանված և **Ընկերությանը վերագրվող խախտում թույլ տալու պահից մեկ տարվա ընթացքում անձը մասնակցած լինի գնման որևէ գործընթացին և ներկայացրած լինի հայտ**, քանի որ օրենքի նշված նորմի համաձայն՝ մասնակիցն ընդգրկվում է նշված ցուցակում, եթե վերագրվող խախտումը կատարվել է հայտը ներկայացնելու պահին նախորդող տարվա ընթացքում:

Այսպիսով՝ Խորհուրդն արձանագրում է, որ «Դատի-Գրուպ» ՍՊԸ-ի վերաբերյալ միաժամանակ առկա են Օրենքի 5-րդ հոդվածի 1-ին մասի 4-րդ կետով նախատեսված Ցուցակում ներառելու երկու հիմքերը, քանի որ Ընկերությունը **22.02.2016թ.** մասնակցելով «ՀՍԿ-ՊԸԾՁԲ-16/01» ծածկագրով պարզեցված ընթացակարգին, ներկայացրել է կեղծ տվյալ՝ թույլ տալով Օրենքի 5-րդ հոդվածի 1-ին մասի 4-րդ կետի «բ» ենթակետի խախտում և նույն օրը՝ **22.02.2016թ. կրկին հայտ է ներկայացրել** «ՀՍԿ-ՊԸԾՁԲ-16/03» ծածկագրով պարզեցված ընթացակարգին մասնակցելու համար, որի շրջանակներում ևս ներկայացրել է կեղծ տվյալ:

Խորհուրդը գտնում է, որ Ընկերության կողմից խախտվել են Օրենքի 5-րդ հոդվածի 1-ին մասի 4-րդ կետի «բ» ենթակետի պահանջները, այն է՝ **հայտը ներկայացնելու պահին նախորդող տարվա ընթացքում գնման գործընթացի շրջանակում Ընկերությունը ներկայացրել է կեղծ տվյալ, որը հիմք է «Դատի-Գրուպ» ՍՊԸ-ին գնման գործընթացին մասնակցելու իրավունք չունեցող անձանց ցուցակում ներառելու համար:**

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

### Ո Ր Ո Շ Ե Ց

ՀՀ ֆինանսների նախարարության 11.03.2016թ. թիվ 1/73-3/8963-16 և 16.03.2016թ. թիվ 1/73-3/9885-16 գրություններով ներկայացված «Դատի-Գրուպ» ՍՊԸ-ին (ՀՎՀՀ 01565045) ներառել գնումների գործընթացին մասնակցելու իրավունք չունեցող



մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման  
խորհրդի որոշումը կայացվելու օրվանից հաշված 6 ամիս ժամկետով:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի կայացրած որոշումը կարող է բողոքարկվել՝  
դատական կարգով:


**Բողոքը քննող հանձնաժողով՝**

**Նախագահ՝**



**Գևորգ Հայրապետյան**

**Անդամ՝**



**Ռոման Չոբանյան**